

# KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

TOROMI MANDENI NISAN

Mati 26:31-75

## GOLPO...



**P**itor Jisuna ka-saaha, indiba ua mande jinmani ra-chakanikoba namnikpaaha. Bon-chotgipa meattamko ra-ani somoio Jisu watatarangna mikrakataniko dakaha je uamang Uko wate katgen, indiba Pitor rang-san an-tangni ja-ao chadenge mikchete aganaha, pilak gipinrang watgaloba, an-tangde Uko watgaljawa. Jisu aganchake inaha, “Da-alo do-o gisikna skang, na-a angko changgittam jechakgen.” Mati 26:34.

Pitor miksongani namen nama, indiba ua an-tangni ka-tongo gaorade-ani donga ine u-ijaha. Jamano ua walo jensalo mande jinma Jisuko rim-na re-baon aro pilakan nie dongengon, Pitor An-tangni Skigipako warachakna tonualko salokaha. Indiba adita kontarangni ja-mano, Pitor Jisuni bobilrangchi kal-stekako man-on, ua Uko u-iaba u-ija ine changgittamna kingking jechakaha. Changantion Pitor Uko mikchete aro sao on-e jechakjana kingking ka-dongbatroroaha (Mati 26:74).

Indake do-o gisikataha. Ua tiktak somoio, Jisura nitimgiparangni jakrangchi dokako man-e, bichal ka-ramo ong-engachim. Pitor Jisuni ka-saan aro ka-sachakan baksa an-pile an-tangko niataniko nikataha, aro uan uni ka-tongko

be-ataha. “Unon, Da-alo do-o gisikna skang na-a angko changgittam jechakgen, ine una Gitelni inako Pitor gisik ra-aha. Unon ua a-palchi ong-katange namen grapbeaha.” Luk 22:61, 62.

Ua salonin, Pitorara dingtanggipa mande ong-baaha. Ua mande jinmako namnikatna kam ka-jaha, indiba Isolkosan namnikatna mangsongaha. Un gisik pilani jamano, uko Jihudirangni melaramona rimbaaha aro Jisuni gimin skianguode dokachi sastiko on-gen ine ka-mikenataha, indiba Pitor kengija aganchakaha, “Chinga manderangna bate Isolko manina nanga.” Watatarang 5:29. Jensalo Romeni raja Nerochi so-otako man-china raiko on-on, Pitor an-tangni bebe ong-aniko pangnajolnan sakkiko on-aha aro an-tangni Gitelko jechaktaigija Jisuna ka-saani gimin ja-ako songdoe datkapaniko man-na ua baseaniko dakaha.



# PORAIANI

*Satroni podko poraie bangbangrango gapatbo.*

## 1. Maikai Isolara An-chingko An-tangchipak ong-ama ong-ja tik ka-aniko dakaha?

**Mati 7:21** *Angko Gitel, Gitel, ingipa pilakan salgini songnoko \_\_\_\_\_ man-gen, ia ong-ja indiba \_\_\_\_\_ salgio donggipa angni Paani namnikako dakgipasa.*

**Romrangna 6:16** *Na-simang manina gita jena an-tangtangko nokol gita \_\_\_\_\_, jeko na-simang \_\_\_\_\_ uni nokkolrang ong-a, siana papni, ong-jaoba toromna maniani, iako nasimang u-ijama?*

**U-IE RA-ANI:** Ian altuagipa niam ong-a chong-motan an-chingni bamanirangara sana an-ching knatima uno pangchaka. An-ching Isolni nokkolrang ong-a ine aganeba diabolni ba a-gilsakni skianirangkosa ra-ode, an-chingara an-tangtangko tol-napenga.

## 2. Jensalo Isolni ge-etanirang aro manderangni ge-etanirang baksa nangtinggrikon, sana bamna nanga ine Pitor aganaha?

**Watatarang 5:29** *Indiba Pitor aro watatarang aganchake inaha, Chinga manderangna bate \_\_\_\_\_ manina nanga.”*

**U-IE RA-ANI:** Jensalo Pitor gisik pil-ahaon aro Jisuko ka-sana a-bachengon, uni skanggipa bamaniara Isolna ong-aha ine Jihudi melaramo aganaha. Bon-kamani salrango matburungni niamrang aro a-gilsak Isolni niamrang baksa nangtinggrikgen ine an-ching skie ra-aha. Je a-selrang ong-oba, an-ching da-onin Isolni niamrangko skie ra-na basena nangchongmota.

## 3. An-ching Isolna ka-saaniko maikai nambate mesoke on-na man-gen?

**Johan 8:31** \_\_\_\_\_ na-simang dongode, indide na-simang angni sninggipa chong-mot ong-a.

**Johan 14:15** *Angna ka-saode, \_\_\_\_\_ indide na-simang angni ge-etanirangko manibo.*

**1 Johan 2:4** *Anga uko u-ia ine uni \_\_\_\_\_ manigijagipa, ua tol-gipa aro uno bebe dongja.*

**U-IE RA-ANI:** Jisuna an-tangni ka-saaniko nambatgipa dakmesokanide Uni namnikako dakanian ong-a, aro Isolni niaman Uni namnikaniko chu-soksranggipa mesokani ong-a (Gitrang 40:8).

#### 4. Jisuni aganani gita, maina gisiko cha-chippilgiparang toromi dakmikaha?

**Mati 6:2** *Uni gimin na-a ka-sae on-an salo manderangoni \_\_\_\_\_ chana ine.*

**Mati 6:5** *Maina manderang \_\_\_\_\_ ine.*

**U-IE RA-ANI:** Sastro an-chingna aganaha. “maina mande a-palni nikaniko nia, indiba Jihova ka-tongko nia.” 1 Samuel 16:7. Asol Kristian mandede an-tangni gimin maiko a-gilsak chanchigenchim una batede maiko Isol uni gimin chanchia unaasa gisiko nangbatgen.

#### 5. Mande jinmako ja-rikanio naljokani dongama?

**Re-ongkata 23:2** *Na-a namgijako dakna jinmako \_\_\_\_\_.*

**Mati 7:13, 14** *Apchona cholguako napbo; maina \_\_\_\_\_ dakanggipa cholguga dal-a, ramaba apala, aro uchi napgipa \_\_\_\_\_. Maina janggichina dakanggipa cholguga apchona, ramaba apchangket, aro uko niggipa bang-ja.*

**1 Pitor 3:20** *Noani salo sengsomingo, ringko tarisomingo, jeo \_\_\_\_\_, chong-motan mande sakchet chichi \_\_\_\_\_ man-aha.*

**U-IE RA-ANI:** Manderang pangnan ong-gija miksonganirangko dakronga ine serikanio nikna man-a. Manderang Joshua aro Kalebko ro-ong gotate so-otna aro Egyptona nokkol itako man-taina re-angna nangnikaha (Chananirang 14:4-10). “Uko chisolo datkapbo, Uko chisolo datkapbo” Luk 23:21 ine manderangan chrikaha. Aro ian mande jinma ong-oba ba ong-jaoba bon-kamani salrangode matburunni chinko man-gen (Parape-a 13:16).

#### 6. Jensalo an-ching manderangni dakbewalrangko Isolni ge-etanirangni kosako donon, iani gimin Jisu maikai chanchiaha?

**Mark 7:7, 9** *“Indiba uamang angko \_\_\_\_\_, skianirang ine manderangni ge-etanirangko skia.” ... Aro Ua uamangna aganaha, \_\_\_\_\_ chasongni niamko rakkina ine na-simang namedaken Isolni ge-etako jechaka.”*

#### 7. Bon-kamani salrango chong-motgipa Kristian bebera-aniara mingsingako man-genma?

**Mati 24:9** *Angni bimumngni gimin pilak jatrangni \_\_\_\_\_ man-gen.*

# LESSON 24

**2 Timothy 3:12** Aro Kristo Jisuo \_\_\_\_\_ olakkie dongna sikkiparang \_\_\_\_\_ a-rikako man-gen.

**Parape-a 12:17** Aro ua dragon ua me-chikko ka-onangbeaha, aro Uni \_\_\_\_\_ bichrirang baksa \_\_\_\_\_ re-angaha.

**Parape-a 13:15** Aro maina basiksak ua matburungni bimangko olakkija, uamang \_\_\_\_\_ man-na gita.

**U-IE RA-ANI:** Bon-kamani salrango, Satan aro uko ja-rikkiparang Isolni chong-motgipa, Sastroko bebera-gipa dedrangrangni kosako dakgrikgen.

## 8. Isolna aro mande jinmana dangdike on-na man-ama?

**Mati 6:24** Pilakba gitel sakgnini nokol ong-na man-ja; maina ua saksako \_\_\_\_\_ sakgipinna \_\_\_\_\_ ba saksako nangrime sakgipinko chonnikgen.

**Mati 12:30** Angmung ong-pagijagipa angko \_\_\_\_\_ ong-a.

**U-IE RA-ANI:** Kristo aro Satanni gisepo dakgrikanio, darangchiba ong-gija dake dongna man-ja. Chadenge nigame dongaianichide berani kosako maldona man-ja. An-ching Jisu baksa bakrimjaode, an-ching diabolkosu dakchakskaenga.

## 9. Jisuna bate ripengskao ba nokdangni memboro naljokani dongama?

**Mati 10:37** Angna bate \_\_\_\_\_ paana ka-sagipa angna kraja. Aro angna bate depantena ba demechikna \_\_\_\_\_ angna kraja.

**Luk 14:26** Saoba angona re-bae an-tang ma-a, aro paa, aro \_\_\_\_\_ aro dedrang, aro jongadarang, aro noabirang, aro \_\_\_\_\_, indide ua angni sninggipa ong-na amja.

**Mati 12:50** Maina salgio donggipa Angni Paani \_\_\_\_\_ dakgipaan angni jonggipa aro nogipa aro \_\_\_\_\_ ong-a.

**U-IE RA-ANI:** Jisu iano mesokaniko daka je an-chingni ka-sagiminrangona jaksokatna aro jokatna nambatggipa choldo an-chingni janggi tanganirango Uko skang donchenganian ong-a. An-chingni Jakatgipa aro Ong-atgipana dakchenggija nokdangna ba ripengskarangna dakanian dal-begipa gualani ong-gen.

## 10. Jisuni mikkango chu-sokgipa gadangni kam ka-ani ba a-gilsakni man-e cha-aniko chimonganiara gisik gnangani ong-ama?

**Mati 16:26** Maina mande \_\_\_\_\_ gimikkon man-oba, an-tang janggiko gimaatode, ua mai biteko man-piti? Ba mande an-tang \_\_\_\_\_ pal ine maiko on-sregen?

**Luk 12:15** Maina mandeni gam suakoba uni janggi uni \_\_\_\_\_ dongja.

**U-IE RA-ANI:** Kusi ong-ani aro naljokaniara namgipa kam aro namaonisa ong-a ine bebera-aniara signigipa tol-napanisa ong-a. Iana Jisu indine aganskaaha, “Man-e cha-giparangni Isolni songnoko napana bate, bejini a-kolko utni re-an altubata.” Mark 10:25.

## 11. Isol an-chingna bebeko mesokani ja-mano Uni skana bangija dakanio naljokani dongama?

**Hosea 4:6** U-iani grini gimin Angni manderang \_\_\_\_\_ man-a. Na-a niamko \_\_\_\_\_ jechakahani gimin, angaba nang-ko jechakgen; ... na-a Isolni \_\_\_\_\_ gualahani gimin, angaba nang-ni dedrangko gualgen.

**Ibrirangna 10:26** Maina \_\_\_\_\_ u-ianiko ra-manoa; an-ching skatang papko \_\_\_\_\_, indide papni gimin boli dongjajok.

## 12. Bebeko jegaljringsiparangna mai ong-gen?

**2 Thessalonikarangna 2:10-12** Aro pilak otoromi ong-gipani tol-napao \_\_\_\_\_, maina uamang jokna gita \_\_\_\_\_ ra-chakjachim. Aro iani gimin uamang tol-ako bebera-china, Isol uamangna branganiko chu-sokatgipako watata, maikai \_\_\_\_\_ bebera-gijagipa otoromi ong-gipako namnikagiparang pilakan bichal ka-ako man-gen.

**Johan 3:19** Aro ua bichal ian, a-gilsakona seng-a re-baaha, indiba manderang seng-ana bate andalako \_\_\_\_\_, maina uamangni kamrang \_\_\_\_\_.

**U-IE RA-ANI:** Sastro Jisuko bebe ong-a ine skia (Johan 14:6). Bebeko ra-chakna ba ra-chakna man-gijaniara Jisuko ra-chaka ba jegalani ong-a.

## 13. Bon-kamani salrango jerangan Isolni manderangko a-rik sanala ong-akon dakenga ine uamangara bebera-genma?

**Johan 16:2** Oe, sal re-baenga, maikai so-otgipa sakantian Isolni \_\_\_\_\_ ka-a ine \_\_\_\_\_.

## LESSON 24

### 14. Maikai Pitor bebeko skie ra-ani ja-mano uko ja-rikna jechakgiparangni gimin talataniko dakaha?

**2 Pitor 2:21, 22** *Maina toromi ramako u-imano uamangna on-gimin rongtala ge-etaoni \_\_\_\_\_ bate uko \_\_\_\_\_ nambata. Bebeko aganronga gita uamangna ong-aha, "Achak an-tangni wakalaona, aro augimin wak a-dubeko \_\_\_\_\_ re-pila."*

### 15. Jisuko ja-rikanio adita tikelna aro an-tangko jena nangani dongama?

**Luk 9:23** *Saoba angni ja-man re-bana skode, ua an-tangko \_\_\_\_\_, salanti an-tang chisolko ripee angko ja-rikchina.*

### 16. Jisuko ja-rikna miksonganiko dakanio nisengna ba sal somoiko ra-dona gitara naljokani dongama?

**Ibrirangna 4:7** *Da-alo, na-simang Uni ku-rangko \_\_\_\_\_, ka-tongtangko rakatnabe.*

**Ibrirangna 2:3** *An-ching indigita jokaniko \_\_\_\_\_ maikai katange jokgen?*

**2 Korinthirangna 6:2** *Nibo, \_\_\_\_\_ ra-chakani sal; nibo, da-on \_\_\_\_\_ sal.*

**U-IE RA-ANI:** Isolni ku-rangna nambatgipa somoide uko knaani somoion ong-a, aro Isolni namnikako dakna nambatgipa somoide jensalo nang-na Uni namnikako mesokani somoion ong-a. Manderangna miksonganiko dakna sal somoi bang-en dongengkua ine chanchiatanian Satanni namnikgipa ja-ga saani ong-a. Diabol namedaken ma-sia je gisiko nangatgipa Isolni ku-rangko simsakgija dakode gisiko nanganiara komianggen. Salsao mikkangchi Jisuko bebe aro kakket ong-e ja-rikgipa aganna amsokpilgijagipa million manderang gimagen, indiba ua "salsao" ingipara mamungsaloba re-bajawa.

### 17. Bebeko ra-chakanio aro ja-rikanio mai namgnirang re-bana gita ama?

**Gitrang 119:165** *Nang-ni niamna ka-sagiparangni bang-a \_\_\_\_\_ gnang, aro uamangni ja-gitdotani a-sel dongja.*

**Johan 8:32** *Aro na-simang bebekon u-igen, aro bebean na-simangko \_\_\_\_\_ ong-atgen.*

**1 Pitor 1:22** *Na-simang bebeko maniao jongadarangna cha-chipilgija ka-saaona janggitangtangko \_\_\_\_\_ ka-tongoni saksa sakgipinna ka-sagrikbebo.*

**U·IE RA·ANI:** Bebeko ra-chakgipa aro manigiparangni ka-tongrangona aiao inmanpilgipa tom-tomani, naljokani aro jakgitel ong-ani re-bara.

## 18. Mai sing-aniko Jisu Pitorko changgittamna kingking sing-aha?

**Johan 21:17** *Ua uko changgittamna inaha, O Johanni depante, Simon, na-a Angna \_\_\_\_\_?”*

**U·IE RA·ANI:** Jensalo Isolni skana chu-gimik ong-e on-kanganiko dakon ia sing-aniara namen nangchongmotgipa ong-a. Na-a Una ka-saama?

## LESSON 24

# NANG-NI AGANCHAKANI

*Ia paparigipa a-gilsakode bebe ong-anide mamungsaloba mingsingjawa, aro manderang pangnan altuagipa ramakosa re-aigen. Indiba Jisude An-tangni tona amsokgijagipa ka-saaniko Uni janggiko nang-ni pilak paprangna damko gamanichi mesokaha. Gitel nang-ni janggina dal-bea miksongani donga. Iani giminsa Ua nang-na Uni bebe ong-aniko parape-aha. Na-a ua ka-saaniko nang-ni ka-tong gisik gimikko on-anichi, paltangni Gitel ine Uko ra-chakanichi, aro jechi Ua dilenga Uko ja-rikanichi on-pilgenma?*

**AGANCHAKANI:** \_\_\_\_\_